



साबका मुखमंत्री ते नैशनल कांफ्रेस दे प्रधान डाक्टर फारुक अब्दुल्ला होर कल जम्मू च ब्याहें आहले समारोह च उसले बाल-बाल बचे जिसलै इक व्यक्ति नै उस समारोह च उन्दे पर गोली चलाई। एह घटना उसले पेश आई जिसलै ओह समारोह थवां वापस परतोआउंरदे हे। इस मौके पर उपमुखमंत्री सुरेन्द्र चौधरी ते मुख मंत्री हुंदे सलाहकार नासिर असलम वाणी होर बी उन्दे कन्नै मौजूद हे। पुलसै आखेआ जे अब्दुल्ला हुंदे पर जानलेवा हमला उसलै होआ जिसलै ओह Greater Kailash जम्मू च इक ब्याह सरबंधी कार्यक्रम च शामिल होने गेदे हे। इस घटना दी जानकारी दिंदे होई नासिर असलम वाणी होरें आखेआ.

पुलस नै 63 बरे दे कमल सिंह जम्वाल जेड़ा परानी मंडी दा रौहने आहला ऐ गी गिरफ्तार कीता ऐ। पुच्छ पड़ताल दौरान उन्नै पुलस गी दस्सेया जे ओह लम्मे चिरे थवां मौके दे इंतजार च हा। तौआई मुखमंत्री उमर अब्दुल्ला होरें उन्दे पिता दी जान बचाने लेई उप्परआले दा शुक्रिया एदा कीता।

<><><><><><>

### **Dy CM –Mining Violations**

दरेयाएं-नदियें चा गैर-कन्नूनी तौरा पर लेतर-बजरी कड्डने- गैर कन्नूनी तौरा पर लेतर बजरी कड्डने आहलें खलाफ सख्त कारवाई करदे होई उपमुखमंत्री सुरेन्द्र चौधरी होरें राजौरी जिले दे चितयारी ते कन्नै लग्गदे इलाकें च 5 स्टोन क्रैशरें दे ई-चलान पोर्टलें गी बंद करी दिता। इलाके च लेतर बजरी ते बट्टे कड्डने दियें गतिविधियें दी समीक्षा करने गितै उपमुखमंत्री होरें केंई क्रैशरें दा चानचक्क दौरा कीता ते दिक्खेया कि उत्थे कम्म पूरी चाल्ली तह नियमें-कायदें मताबक चलै करदा ऐ कि नैई। इनें चानचक्क छापें दौरान एह पाया गेदा कि 5 इकाइयें दरेया

दे कुदरती तलें कोला बी हेठा खनन दा कम्म कीता हा ते माल खत्म होई जाने दे बाद इनें क्लेशरें नियमें दी खलाफवर्जी करदे होई बाद् लेंतर बजरी दरेया चा कड्डी ही- इस जांच दौरान उपमुखमंत्री होरें अधिकारियें गी आखेआ.



### **CS-Illegal Mining**

मुख सचिव अटल डुल्लु होरें कल इक उच्च सतह दी जायजा बैठक लाई ते खनन सरबंधी क्षेत्र च कीते जा'रदे सुधारें दा जायजा लैता। इस दौरान जम्मू-कश्मीर थमां गैर-कनूनी तौर पर कीते जाने आहले खनन पर रोक लाने लेई अपनाए गेदे तरीकाकारें दा बी आकलन कीता। डूलू होरें गैर कनूनी खनन गी रोकने लेई निगरानी बदाने- इस तंत्र गी मजबूत करने- खनिजें गी गैर कनूनी तौरा पर कड्डने आहले कम्मै पर रोक लाने ते राजस्व बदाने सरबंधी कम्मै दा निरिक्षण कीता। उ'नें तक्क रक्खने आहलें सरबंधी तंत्र Integrated Mining Surveillance System दा मौके पर गै जायजा लैता। उ'नें डिजिटल मंच दा बी निरिक्षण कीता- जेड़ा गड्डियें दी आवा- जाई पर तक्क रक्खदा ऐ। इनें सारे जतनें दी सराहना करदे होई- उ'नें आखेआ जे इस पूरी प्रक्रिया गी अजें होर बी बेहतर बनाया जाई सकदा ऐ।



### **CS-Road Safety**

मुख सचिव अटल डुल्लु होरें ट्रांस्पोर्ट मैहकमे दी इक जायजा बैठक लाई। इस दौरान उ'नें ट्रैफिक दे प्रबंधन- सिडक हादसें गी घट्ट करने ते सिडक सुरक्षा आहलें सरिस्तें गी होर मजबूत

करने वगैरे दा जायजा लैता। बैठक च उ'नें सिड़क सुरक्षा सरबंधी जत्नें दी अमलावरी- जेदे च मोटर-गड्डियें सरबंधी मैहकमे आसेया चलाई जाने आहली मुहीमें- ट्रैफिक पुलस- सिड़क हादसे दे आंकड़े सरबंधी Integrated Road Accident Database Portal दा बी जायजा लैता। उ'नें ट्रांसपोर्ट- ट्रैफिक पुलस- सेहत- लोक निर्माण ते जिला प्रशासन बश्कार होर बेहतर तालमेल पर जोर पाया- तां जे सिड़क सुरक्षा लेई अपनाए गेदे सरिस्ते गी बेहतर ढंगे सिर अमल च आनेआ जाई सकै।

<><><><><><>

### Rana –Tribal Writers

जनजातीय मामलें दे मंत्री जावेद अहमद राणा होरें जनजातीय साहित्य गी बढ़ावा देने- सांस्कृतिक विरासत दे संरक्षण ते जनजातीय समुदाय दे ज्ञान सरिस्ते दा दस्तावेजीकरण करने गितै तौर-तरीकें पर सलाह-सूत्र करने लेई- कल जनजातीय लखारियें- कवियें ते विद्वानें दी इक बैठक सददी। बैठक दी अध्यक्षता करदे होई जावेद राणा होरें जनजातीय लखारियें- कवियें ते विद्वानें आसेआ इनें समुदायें दी सांस्कृतिक पंछान गी साम्भी-सजोड़यै रखने च निभाई गेदी भूमिका गी उजागर करदे होई उन्दी मती सिफ्त कीती। मंत्री होरें आखेया जे सरकार जनजातीय संस्कृति- इतिहास-साहित्य ते परम्पराएं गी अगली पीढियें तगर पुजाने ते लोकप्रिय बनाने लेई पूरी चाल्ली दृढ़ संकल्प ऐ ते ट्राइबल रिसर्च सेंटर जम्मू-कश्मीर जनजातीय समाज दे उत्थान लेई इक प्रमुख मंच दे रुपै च कम्म करोग।

<><><><><><>

ते हुंन बाकि दिएं खबरें कन्नै जगमोहन शर्मा:-



### **LeT Terrorist**

राजौरी जिले च मंगलवारें नियंत्रण रेखा कश जेहड़ा आतंकवादी मारेया गया हा- ओहदी पंछान पाकिस्तान आधारित आतंकी संगठन लश्करे तैयबा लेई कम्म करने आहलें आदमी दे तौरा पर कीती गई ऐ जेहड़ा आतंकवादियें गी रोआर-पार टपाने च मदद बी करदा हा। आकाशवाणी दे जम्मू संवाददाता नै जानकारी दिती ऐ जे मंगलवारें राजौरी जिले दे नशैहरा सैक्टर च झंगड़ थाहर एह आतंकी उस्सलै मारेया गया हा- जिसलै अपने इक साथी कन्नै बन्ना टप्पियै घुसपैठ दी कोश्ट करा'रदा हा। मारे गेदे आतंकवादी दी पंछान हमज़ा युसफ दे रुपै च कीती गई- जेहड़ा जम्मू-कश्मीर दे पाकिस्तान दे नजैज कब्जे आहले इलाके दा बसनीक हा।



### **Estb Comm Reconstituted**

जम्मू-कश्मीर सरकारें स्थापना ते ताल कमेटी दा नमें सिरेया गठन कीता ऐ। आम प्रशासनिक विभाग G.A.D आसेया जारी इक हुकमै मुजब- मुख सचिव अटल डुल्लु होर इस कमेटी दे अध्यक्ष होगंन ते सीनियर IAS अधिकारी शालीन काबरा- अश्विनी कुमार- शैलेन्द्र कुमार- एम. राजू ते अचल सेठी इस कमेटी दे मिम्बर होगंन। एहदे इलावा सरबंधित प्रशासनिक अधिकारी गी एहदे च विशेष तौरा पर सद्दे गेदे सदस्य दे रुपै च शामिल कीता जाहग। एह कमेटी अपने 2011 बरे आहले हुकमै तैहत तय नियमें मताबक कम्म करदी रौहग।



## **Itoo Healthcare –Udhampur**

सेहत मंत्री स्कीना इत्तू होरें आखेआ ऐ जे सरकार शिक्षा ते सेहत क्षेत्र गी निग्गर बनाने पर चेचा ध्यान देआ करदी ऐ कीजे एह दवै कुसै बी समाज दी भलाई-बेहतरी गितै रीड दा कम्म करदे न। कल कठुआ जिले दे खरोट इलाके च बुनियादी सेहत केन्द्रें दा उदघाटन करने मगरा मीडिया आहलें कन्नै गल्ल करदे होई मंत्री होरें आखेआ जे सरकार दा चेचा ध्यान इत बक्खी ऐ कि केन्द्र शासत प्रदेश दे हर इक दूर-दरेडे इलाकें धोड़ी म्यारी सेहत सेवा यकीनी तौरा पर उपलब्ध कराने लेई पूरे जम्मू-कश्मीर च सेहत ढांचे च बेहतरी आहन्नियै इन्दा दर्जा बधाय जा। सरकार दिरें तरजियें ते हाल च लैते महत्वपूर्ण फैसले दा जिक्र करदे होई स्कीना इत्तू होरें आखेआ.



## **Mkt Inspection –Udhampur**

उधमपुर जिला प्रशासन नै औंदे नरातें ते ईंद-उल-फितर दे त्योहार दे मद्देनजर बजारे च साफ-सफाई बनाई रखने- चीजें बस्तें दी कीमतें पर तक्क रक्खने ते बजारें च चीजें बस्तें दी नियमित उपलब्धता यकीनी बनाने आस्तै सख्त तरीकाकार अपनाए न। उधमपुर दे तहसीलदार हुंदी अगुआई च टीम नै उधमपुर दे बजार दा जायजा लैता। इस दौरान खाने-पीने आहली चीजें-बस्तें दे म्यार ते सुरक्षा सरबंधी मैहकमे- राजस्व अधिकारी- पुलस ते कनूनी नापतौल सरबंधी मैहकमे दे सांझे जत्नें राएं बजारे दा जायजा लैता गेआ। एदा मकसद चीजें-बस्तें दे म्यार गी बनाई रखने-चीजें बस्तें दी कीमतें पर काबू रखना ते सरकार आसेया मंजूर भाएं पर गै चीजां उपलब्ध करोआना यकीनी बनाना हा। खासतौर पर ध्यान मठाइरें ते खाने-पीने आहली चीजें पर

दिता गया। इनें तौर-तरीकें ते उपाएं दा मकसद त्योहारें आहली रुत दौरान लोकें गी शांतिपूर्वक ते बिजन परेशानी दे चीजां-बस्तां उपलब्ध करोआना ऐ। इस बारे होर जानकारी दिंदे होई उधमपुर दे तहसीलदार जय सिंह होरें आखेया.

<><><><><><>